

SU RESPONSABILÌ DE SU SERVÌTZIU

AVERIGUAU chi ni ddoi funt apitzus suu acontèssius de cunflitu de interessus cun is arricidoris de su provedimentu, cunforma a su Regulamentu vigenti apitzus de s'ordinamentu generali de is Ufitzius e de is Servìtzius, apariciat custa propònnida de Determinatzioni chi s'ghit, cunfirmendi sa regularidadi de su procedimentu e chi cussu e totu est stètiu cumpriu ponendi menti a sa disciplina normativa vigenti;

DONAU ÀUTU chi sa scadèssida po s'aprovatzioni de su Balanzu de prevididura po s'annu 2021 est stètia perlongada a su 31 de Martzu 2021;

PREMÌTIU CHI:

- Su Servìtziu de Politzia Locali tenit s'incàrrigu de sa gestioni de su Canili Comunali "Qua la Zampa" S.n.c. de Corona Franco e Serra Ennia Franca, cun domitzìliu fiscali in Maracalagonis (CA), logu Baccu Aruisi - P.IVA **01894520921**;
- cun Determinatzioni de su Responsàbili de su Servìtziu Tènnicu - Setori Urbanìstica n° 07 de su 19.04.2007 fiat stètia afillada sa Cuncessioni de sa Gestioni de su Canili a sa Sotziedadi "Qua la Zampa S.n.c.";
- intre su Comune de Maracalagonis e sa Dita numenada in sa premissa est stètia cuncordada de manera Pùblica Aministrativa una Cunventzioni apòsita, chi pertocat a sa entrega de sa gestioni de su Canili Comunali, n. 130/2007 de su 23.08.2007;

ARREGORDADA sa determinatzioni de su Responsàbili de su Servìtziu de Politzia Locali n. 31 de su 26 de Cabudanni 2011, chi donat àutu chi:

- su sinnori Stochino Salvatore at lassau sa cuota sotziali aguali a su 50% de su capitali - giustu àutu notarili de su 28 de su mes'e argiolas 2011 apariciu anca su stùdiu de su Notàiu Maria Lodovica Felter, arregistrau su 5 de austu 2011 a su n. 7143 de repertòriu e arriciu a is àutus de ufìtzio - a profetu de sa sinnora Serra Ennia Franca, nàscia su 22/02/1964 in Maracalagonis e ingunis bividora in bia C. Colombo n. 87, po su 5% e a profetu de su sinnori Corona Franco, giai assotziau a pari, po su sobranti 45%;

- apustis de s'entrega de cuotas e sa mudàntzia s'ghidora de is acordus sotzialis acontèssius aintru de sa sotziedadi chistionada, is arricidoris sinnoris Corona Franco e Serra Ennia Franca, arremprasant a cussa parti bessidora, sinnor Stochino Salvatore, in totus is relatas passivas e ativas aintru de sa sotziedadi;

- cunforma a s'art. 1 de su testu nou de is patus sotzialis, benit apariciada sa sotziedadi de nòmini culletivu "QUA LA ZAMPA MARACALAGONIS S.N.C. de CORONA FRANCO E SERRA ENNIA FRANCA", chi at a podi impreai sa sigla acurtzada "QUA LA ZAMPA - MARACALAGONIS S.N.C.";

DONAU ÀUTU:

- chi cun comunicatzioni Prot. n° 2435 de su 01.02.2016, su sin. Corona Franco, at fatu sciri una mudàntzia de Denominatzioni e Cod. Iban de sa Sotziedadi "Qua la Zampa Maracalagonis snc" cun sa fichidura de unu assotziau nou, est a nai su Sinnor Corona Nicola e, po custa arresoni cussa Sotziedadi e totu at pigau su nòmini de "Qua la Zampa Maracalagonis s.n.c. di Corona Franco, Serra Ennia Franca e Corona Nicola";
- chi cun Determinatzioni n° 291 custu Ufìtzio at pigau àutu de sa Mudàntzia Sotziedària e de su Còdixi IBAN, de custa sotziedadi e totu;

- chi s'aministratzioni e sa rapresentàntzia legali de sa sotziedadi, cunforma a s'art. 6 de su testu nou de is acordus sotzialis, tocant a su sin. Corona Franco, po totus is àutus de aministratzioni costumada e straordinaria;

PIGAU ÀUTU de sa comunicatzioni Prot. n° 12413 de su 18.09.2014 de su Sin. Corona Franco “Rapresentanti Legali de sa Sotziedadi Qua La Zampa gestori de su Canili Comunali” aundi si donat sceda de “s'adelantamentu de sa tarifa de gerronada de coidu e de chistidura de is canis a is € 2,50 de imoi po dònna cani, cuntendi puru s'IVA a su 22%, fendi dda aguali a is tarifas chi ddoi funt imoi in su mercu”;

CUNSIDERAU de depi cumpriri sa tarea e pigai s'impinnu de cumintzu de gastu apitzus de su Cap. 9120.1/2021 apitzus de su Balanzu Comunali po unu tanti de **48.000,00** iva imbordigada a su 22% a profetu de sa sotziedadi de nòmini culletivu “QUA LA ZAMPA MARACALAGONIS S.N.C.” di Corona Franco - Serra Ennia Franca e Corona Nicola” cun sa tarea de sa cobertura finanziaia de sa prestazioni imbordigada po s'annu 2021 e cun sa imputazioni a s'esercitziu cunforma a sa obligazioni esigibili;

CUNSIDERAU CHI:

- po cussu chi pertocat a su servitziu de gestioni de su canili, in sa fàsia de cumpridura de su Balanzu intrerinu no podint èssiri imbordigaus tantis prus mannus de is gastus tentus in s'annu ainnantis, si donat àutu de dònna manera chi in is tradus de aprovazioni de su Balanzu 2021, at a podi èssiri netzessariu aciungi a su capìtulu imbordigau 9120.1/2021
- cunforma a s'art. 192 de su D. Lgs. 18.08.2000, n. 267, serbit a si pigai custa determinazioni cun sa tarea de s'ghiri a innantis cun s'affilladura de is interbennidas in ogetu;

DONAU ÀUTU chi, cunforma a s'art. 80, comma 1, de su D.Lgs. n° 118/2011, de su 1° de Gennàrgiu 2015 nci agatant cumpridura is disposiduras chi pertocant a s'ordinamentu contàbili nou, aundi no siat apariciu de manera differenti;

ARREGORDAU s'art. 10 de su D.Lgs. n° 118/2011 e in manera particolari:

- a) su comma 12, chi narat “in su 2017 is Entis numenaus in su comma 1, arricint is schemas de balanzu e de rendicontu vigenti in su 2014, chi chistint balori po totus is efetus giuridicus, puru po cussu chi pertocat a sa funtzioni autorizadora, cchi si aciungit a cussus prevìdius de su comma 1, chi ndi donat sa funtzioni connoscidora. Su balanzu pluriennali 2020-2022 impreau s'ghendi su schema vigenti in su 2014 fait s' traballu autorizadori”;
- b) su comma 16, cunforma a su cali “in acontèssiu de exercitziu interinu o festioni interina in s'esercitziu 2021, is Entis Localis numenaus in su comma 1, impreant sa disciplina vigenti in su 2014 chi ddis pertocat, aforas de cussus Entis chi in su 2014 ant pigau parti a sa sperimentadura chi ddoi est in s'art. 78 po is calis s'agatat cumpridura in sa disciplina de s'esercitziu interinu prevìdia de su printzipiu contàbili impreau in sa contabilidadi finanziaia cunforma a s'alliongiu 4/2”;

BIUS:

- s'art. 163 de su D. lgv n° 267/2000, in su testu vigenti in su 2014 e, intzaras in is tradus de s'aprovazioni de su Balanzu de prevididura 2021, est permittia una gestioni interina, chi est strinta a sa cumpridura de is cumandus giai pigaus, de is cumandus chi benint de provedimentus giuditziariis cumpridoris e de cumandus spetzialis arregulaus de manera netzessaria de is leis, a su pagamentu de is gastus de su personali, sobraduras passivas de ratas de mùtuo, cànonis e in generali de is operatzionis netzessarias sceti po straviai chi bengiant ocasionaus dannus de asienda seguros po s'Enti;
- su puntu 8 de s'allega contàbili impreau in sa contabilidadi finanziaia (all. 4/2 a su D.lgs.) nu 118/2011 chi cuncordant is maneras e is trèminis de s'esercitziu interinu.

ARREGORDADAS:

- Sa Deliberazioni de su Cunsillu Comunali n° 73 de su 27.12.2019 cumpridora po is

trèminis de lei e mudàntzias e aciuntas sighidoras, chi at aprovau su Balanzu de prevididura po s'escrètziu 2020, cumentu puru su Balanzu pluriennali e sa relata previsionali e programàtica 2020/2022;

- Sa Deliberatzioni 72 de su 27.12.2019 de su Cunsillu Comunali chi at aprovau su D.U.P.;
- Sa Deliberatzioni de sa Giunta Comunali n° 82 de su 17.07.2019 chi at aprovau su pianu cumpridori de gestioni (PEG) de s'escrètziu finantziàriu 2019 e is alliongiaus imbordigaus, chi previdit chi “bèngiant entregaus a dònna s'itru de responsabilidadi is tareas de lompi e is risorsas arrechèdias po sa cumpridura insoru”;
- Sa Deliberatzioni de sa Giunta Comunali n° 15 de su 24.02.2017, chi pertocat a sa riorganizatzioni definitiva de s'Enti;
- sa deliberatzioni de sa Giunta Comunali n° 83 de su 17/07/2019 chi at aprovau su Funtzionigrama de s'Enti, chi previdit intre is atras tareas chi tocant a su Servìtziu, is procedimentus chi pertocant s'impènniude custa determinatzioni

DONAU ÀUTU chi po is tareas de is cumpriduras previdias de s'art. 3 de sa Lei 136/2010, su Còdixi arrecognoscidori de Gara (CIG) chi pertocat a s'affilladura in ogetu est su N. Z51305ABDA **BIU** su regulamentu comunali po sa disciplina de is cuntratus e de is arrendus vigenti imoi; **BIU** s'art. 125, comma 8 de su Còdixi de is Cuntratus Pùblicos, aundi su D. Lgs. n. 163 de su 12-04-2006;

BIU s'art. 40, comma 5 de sa L.R. 07 de austu 2007, n. 5;

ACRARADA sa disponibilidadi de su dinai imbordigau;

ABETAU chi custa Determinatzioni tenit balori de Autorizatzioni a Apariciai puru po is tareas de s'arricidura de s'Impènniu de gastu apitzus de su Capìtolu de Balanzu imbordigau, cunforma a is artt. 191 e 192 de su D.Lgs. n. 267/2000;

DONAU ÀUTU chi custu provedimentu benit a èssiri cumpridori apustis de sa posta de su vistu de regularidadi contàbili, chi cunfrimat sa crobetura finantziària, po parti de su Responsàbili de su Servìtziu Finantziàriu, cunforma a s'art. 151, comma 4, de su D. Lgs. 267/2000;

DONAU ÀUTU de sa regularidadi tènnicu-amministrativa de s'interbènnida e de su procedimentu po s'agatadura de su contraenti;

BIUS:

- is artt. 107 e 109 de su D. Lgs.vu 18.08.2000, n. 267 chi amostant is funtzionis e is responsabilidadis de is Responsàbilis de is servìtzius e is maneras de entrega;
- is artt. 183 e 151 de su D. Lgs.vu 18.08.2000, n. 267 chi pertocant a s'assuntzioni de s'impènniu de gastu;
- su statutu comunali;
- su regulamentu comunali de contabilidadi;

DONAU ÀUTU: chi cun Decretu de su Sìndigu protempore n° 16 de su 31 de mes'e Idas 2020 ant cunfrimau is funtzionis de Responsàbili de su Servìtziu Vigilantza/Polizia Locali e Amministrativa a su I.D. Gino Vacca;

- chi cunforma a s'art. 10 de su D. Lgs. n. 163 de su 12.04.2006, su Responsàbili ùnicu de custu procedimentu est s'I.D. Gino Vacca

DETERMINAT

DE DONAI ÀUTU chi is premissas faint parti integrali e de fundòriu de custu àutu;

DE IMPINNAI

- su tanti intreu de cumintzu de € 48.000,00 carculendi s'IVA puru a su 22%, a profetu de sa Sotziedadi "Qua la Zampa" Snc de Corona Franco e Serra Ennia Franca e Corona Nicola cun domitzilliu fiscali in Maracalagonis (CA), logu Baccui Aruisi, P.IVA 01894520921, po sa cumpridura de su servìtziu de gestioni de su canili comunali numenau innoi po s'annu 2021;
- entregai, cunforma a s'artìculu 183 de su D.Lgs. n. 267/2000 e de s'allega contàbili imbordigada all. 4/2 a su D.Lgs. n. 118/2011, custu dinai chi currispundit a cumandus giuridicamneti perfetziõaus, a is esecìtzus aundi cussus si podint arriciri:

Esercìtziu Finanziàriu	2021				
Cap./Art.	9120.1	Descrìtzioni	Gastus po sa Gestioni de su Canili Comunali		
Interbènnida	3	Mis/Progr.	08/01	PdC finanziàriu	U.1.03.02.15.011
Tzentru de Gastu	0	Compet. Econ.	2020	Gastu no ricorr.	
SIOPE	1332	CIG	Z5130ABDA	CUP	
Creditori	Sotziedadi "Qua la Zampa s.n.c. di Corona Franco e Serra Ennia Franca e Corona Nicola"				
Causali	Servìtziu Gestioni Canili Comunali annu 2021				
Maneras de finan.	AFILLAMENTU DERETU				
Imp./Pren. n.	X	Importu	€ 48.000,00	Spratzinàbili in 12	no

de averigui cun sa tarea de scrucullu prebennidori de regularidadi aminsitrativa-contàbili cunforma a s'art. 147 bis comma 1 de su D. Lgs. n° 267/2000, sa regularidadi tènnica de custu provedimentu cunforma a sa regularidadi de legitimidadi e currigidura de su traballu amministrativu, chi su parri favoràbili est doanu impari cun sa firma de custu provedimentu po parti de su Responsàbili de su Servìtziu;

DE DONAI ÀUTU :

cunforma e po is efetus de cussu cumandau de s'art. 147-bis. comma 1, de su D. lgs. n° 267/2000 e de su regulamentu comunali imbordigau po is scrucullus de aintru, chi:

- chi custu provedimentu in prus de s'impìnniu chistionau innoi apitzus, no at a ocasionai atras cunsequèntias deretas o inderetas apitzus de s'acontèssiu econòmicu finanziàriu o apitzus de s'asienda de s'Enti;
- custu provedimentu tenit balori po is tareas de s'amministratzioni trasparenti cunforma a su D. lgs. n° 33/2013.

DE FAI SCIRI: cunforma a s'art. 3 de sa Lei n° 241/1990 chi su Responsàbili de su Procedimentu est su I.D. Gino Vacca.

DE CUMPRIRI cun àutus sighidoris a sa licuidatzioni de su gastu, apustis de sa presentadsa de fatura regulari e apustis de s'averiguadura de sa regularidadi in sa posidura contribudora e in is prestatzionis.

DE IMBIAI custa determinatzioni a su Servìtziu Econòmicu Finantziàriu, po sa posidura de su Vistu de Regularidadi Contàbili chi cunfrimat sa crobetura finantziària;

DE DONAI ÀUTU puru chi custa determinatzioni:

- Est cumpridora de candu benit postu su vistu de regularidadi contàbili chi cunfrimat sa crobetura finantziària po parti de su Responsàbili de su Servìtziu Econòmicu Finantziàriu;
- Bandat posta aintru de su Registru Generali de is Determinatzionis, chistiu anca su servìtziu Giurìdicu-Sotzialim;
- Benit imbiada cumentu còpi apo sa publicatzioni a su Albu Pretòriu Online;

De ponni a disposidura custu documentu de manera digitalu atruessu de sa fichidura in su Server de s'Enti, apustis de sa posidura de su vistu contàbili po parti de su Servìtziu Finantziàriu, cunforma a s'art. 52 de su Regulamentu apitzus de s'ordinamentu de is Ufitzius e de is Servìtzios.

Su Responsàbili de su Servìtziu
Fau de manera digitalu I.D. Gino Vacca